

BON DIA
Aruba

Editor
Caribbean Speed
Printers N.V.

Aruba Bank N.V.
Acc. No. 332668

DIRECTOR
John Chemaly
Victor "Toko" Winklaar

SECRETARIAAT
Angela Vrolijk

REDACCION
Victor "Toko" Winklaar
(Hefe)
Maritza Faro
(Chef de Bureau)
Benjamin Romero
Margarita Els
Elizabeth Guanipa

INTERNACIONAL
Mariano Heyden
(Antiyas)
Boy Antoin
(Bonaire)

**REDACTOR
DEPORTIVO**
Urig Feliciano

COLABORADOR
Melvin Garcia
(KlipKlap)
Dina Maria
(Bon Dia Fin di Siman)
Gerardo Sanson
Carolin Biezen
Miriam Croes
Xiomara Everon

FOTOGRAFO
Debbie Kelly

Famous Diaz

**ELECTRONIC
PAGINATION**
Gladys Silva
Zulaica Coffie

AVISO Y VENTA

Marijke Croes-Luidens
Wendy Wanopa
Elly Erasmus

ARTE GRAFICO
Nadine Violens
(Administracion)
Sandra Loeftop
Erol de Haseth

**ADMINISTRACION Y
DISTRIBUCION**
Eduard Martijn
(Hefe)
Lica Britton
Jenny Kelly
Mirella Farro
COLLECTORS
Marieta Tromp

(PRE) PRESS
Luis Fernando Arenas
(Hefe)
Clara Ines Rivas

PRESS
Ronald Schenker
(Hefe)
Omar Ramirez
Martin Bockhoudt

**AGENCIA DI
NOTICIA**
Associated Press
Editor's Press
United Media

AFILIACION
Sociedad Interamericana
di Prensa
(SIP)

DIRECCION
Weststraat 22
Telefon 827800
Fax: 827044 827093
E-mail Address:
bondiaarubatabody@
setarnet.aw
toko@bondia.com
BON DIA ARUBA

Ta un corant redactá y imprimi na Aruba
y ta obtenibel di Dialuna te cu Diasabra.
Ningun contenido por worde reproduci
sin permiso di Editor.

Vocero di Gobierno, Otmar Oduber: Independencia financiero ta nifica respet internacional pa Aruba

ORANJESTAD- Cu firma di e acuerdo "Op Eigen Benen", esta Riba Propio Pia, Aruba lo ta para aki 10 aña financieramente independiente for di Hulanda.

Por bisa cu e firma di e acuerdo aki ta un hecho histórico, ya cu ta un firma cu aki algun aña lo duna Aruba mas respet den ambito internacional.


Cu Aruba, siendo un isla chikito, por ta financieramente independiente ta algo grandi, un muestra cu tamaño di un país no ta importante, sino e deseo, e grandeza y e lucha di un pueblo ta loke ta haci un país grandi y Aruba ta demostrando esaki.

Ta increíbel pa tende y lesa loke sr. Nelson Oduber ta bisa, tocante cu ora e drenta Gobierno e lo anulá e acuerdo firmá dia 9 di maart di aña aki.

Pero despues, analizando bon su comentarionan por bisa cu no ta nada straño biniendo di sr. Oduber, pues lider di oposicion semper ta mira tur cos den aspecto negativo, no tin nada bon p'e.

Sr. Oduber no ta corda cu ta su Gobierno ta esun cu a bin cu medida, cu semper a traha contra pueblo y finalmente a baha su Gobierno, ya cu e no por a wanta mas e maneho desastroso cu Gabinete Oduber tabata hibando, incluyendo finanzas público.

Gabinete Eman II y III mester a traha duro pa drecha e



Otmar Oduber

situacion financiero desastroso cu Gobierno di Nel Oduber a laga atras.

Mester corda sr. Oduber di su pakete di medida number 2 cu e tabatin intencion di implementá si e lo a continua den Gobierno?

Cu Gobierno AVP/OLA a drecha e situacion financiero y económico di país Aruba notablemente.

Djis pa menciona algun ehempel, introduccion un biaha mas di vakantie uitkering, a bin cu indexering, cu bonus, a redoblá pensioen, a aumentá e pago di onderstand, turismo a

crece y e maneho actual di Ministro di Finanzas lo conduci na un saneamento di Finanzas Público, cu ta den bon caminda.

Tur e puntonan aki ta duna Gabinete Eman III e forza di bisa cu aki 10 aña Aruba por para financieramente riba su propio pia.

Aki 10 aña finanzas público y Aruba lo tin un base fuerte pa por ta financieramente independiente di Hulanda.

Sr. Oduber no ta comprendé cu ayudo pa desaroyo ta pa e paísnan cu ta den via di desaroyo, pa paísnan cu ta pasando den temponan malo y

si analizá e situacion di Aruba, sr. Oduber no por bisa cu situacion di Aruba ta malo, al contrario, cada dia ta mas stabil y fuerte.

Ta increíbel tambe con sr. Oduber ta expresá su mes di sr. Biesheuvel, ex-Premier di Hulanda cu a sa di gana e respet dor di su actonan, pero no ta solamente Biesheuvel a wordo atacá verbalmente dor di sr. Oduber, pero tambe Premier Kok y Secretario di Estado de Vries.

Mientras cu na Aruba, sr. Oduber ta criticá e acuerdo firmá y tur e personanan relaciona cu esaki, na Hulanda palabranan di elogio so tin pa Aruba, pa mira con Aruba den corto tempo a sa di sali for di un crisis económico y financiero y yega na e punto di por para riba su propio pia.

De Telegraaf a publicá den su edicion di dia 10 di Maart un expresion haci pa Secretario di Estado de Vries, kende ta wak Aruba como un "lichtend voorbeeld voor de andere Antillen-eilanden".

Finalmente vocero di Gobierno a expresá cu sr. Nel Oduber mester siña comprendé y aceptá ora un Gobierno ta hibando un bon maneho. "Ta berdad cu como oposicion ta busca e manera pa criticá Gobierno, pero ora mester, manera den e caso aki, mester muestra grandeza y apoyá Gobierno y muestra cu Aruba por ta un país uní".

Problema ku abogado a pone cu caso hoben Arubiano acusá di asesinato den GOG no a sigui

WILLEMSTAD/ORANJESTAD - Problema cu a surgi cu su Abogado a pone cu e acusado Derril R. no por a ser huzgá den corte siman pasá.

Ta asina cu Derril R. a haya un Abogado pro deo.

E abogado sin embargo a ser sacá for di su funcion di parti di consejo di supervicion. E Abogado ta bringando e decision.

Aworaki e acusado a haya un otro Abogado cu sin embargo a pidi huez pa e prepará mas mihó pa e caso aki.

E caso lo sigui awor dia 28 di April awor.

Ta di tres bes cu ta posponé tratamiento di e caso. E caso a tuma lugá for di Augustus aña pasá di manera cu sigur un conclusion ta tardando. Huez a posponé e caso aña pasá pa motibo cu e rapport psicológico ainda no ta cla.

Despues a dicidi cu e caso ta sigui na cuminsamento di Februari pero e abogado a informá cu e ta malo.

Awor cu e caso a bolbe ser poní riba rol a resultá cu e Abogado a ser expulsá for di e funcion.

Lamentabel di e posponemento tabata cu mama di e acusado

a bin specialmente for di Aruba pa e caso aki.

E mama a duna di conocé cu e stima su jiu no opstante loke a pasa den e caso aki.

E caso a causa consternacion den comunidad despues cu R. a hinka un bewaker di 72 aña mata na e instituto. El a usa un cuchiuw y un piek. Ironia di e caso tabata cu e bewaker John James Murray a remplazá un otro bewaker cu no por bin trabao. Den e caso aki tambe despues cu a mata e bewaker R. a habri e selnan loke a pone cu hopi di e hobennan cu ta sera den e instituto a huy. Despues a haya nan na diferente parti di Corsow.

E caso tin interes pasobra e ta ser considerá un di e crimennan mas cruel di último añanan.

Principalmente den mundo di seguridad y vigilancia nan ta sigui e caso di serca. Mientras tanto mester bisa cu tur kos ta sigui igual na e instituto. Aworaki casi 8 luna despues cu e caso a tuma lugá no tin masha cos cu a cambia na e instituto.

Un rapport cu a ser trahá pa expertonan despues cu trahadornan a pone presion keto bai ta den lachi di Minister di Hustisia.